



Impoten Proteksen visa infomesen

Dispela infomesen em i stap long ol narapela tok ples. Lukim [Australia's protection obligations \(homeaffairs.gov.au\)](https://www.homeaffairs.gov.au)

Ol Proteksen visa

Ol Proteksen visa em i bilong ol manmeri (o bilong ol famili memba bilong ol dispela manmeri) husat i bai bungim wanpela trupela hevi sapos ol i go bek long kantri bilong ol o i gat wanpela trupela sans olsem ol bai bungim pen na hevi bikos long:

- reis bilong ol
- lotu bilong ol
- kantri bilong ol
- komyuniti o grup bilong ol
- tingting bilong ol long sait bilong politiks.

Taim yu aplai long wanpela Proteksen visa, yu wok long painim asailem insait long Australia na yu laik lusim kantri bilong yu.

Wanpela Proteksen visa em i no bilong ol manmeri husat i laik stap longpela taim insait long Australia long wok.

Sapos yu aplai long wanpela Proteksen visa, yu wok long tokaut olsem wanpela bilong dispela tupela samting em i tru:

- Yu no inap long go long kantri bilong yu bikos i gat bikpela bagarap bai kamap long yu o i gat trupela sans olsem yu bai bungim pen na hevi.
- Yu wanpela famili memba bilong wanpela man o meri husat i gat bikpela bagarap bai kamap long ol o i gat trupela sans olsem ol bai bungim pen na hevi.

Yu bai no inap kisim wanpela Proteksen visa sapos yu ken go na stap gut insait long wanpela narapela kantri (na i no kantri bilong yu), we yu bai no inap gat trupela sans bilong bagarap o trupela sans bilong bungim pen na hevi, na dispela kantri bai no inap salim yu go long narapela kantri we yu ken bungim bikpela bagarap o bungim pen na hevi. Yu mas aplai long wanpela Proteksen visa sapos **tru tru yu nidim asailem** insait long Australia.

I ken i gat ol narapela visa we i gupela moa long yu na situesen bilong yu. Lainim moa long ol narapela visa long [Explore visa options \(homeaffairs.gov.au\)](https://www.homeaffairs.gov.au).

Wanem samting bai kamap sapos ol i tok nogat long Proteksen visa aplikesen bilong yu?

Sapos ol i tok nogat long yu long wanpela Proteksen visa, yu bai no inap long aplai long planti bilong ol narapela visa na yu bai nid long lusim Australia sapos yu no holim wanpela visa we i ektiv. Sapos yu no gat wanpela visa we i ektiv, ol i ken holimpasim yu na kalabusim yu na rausim yu long Australia.

Sapos ol i holimpasim yu na rausim yu long Australia, yu bai nid long baim bek ol kost bilong rausim yu. Dispela em i ken mak olsem planti tausen dola.

Wanpela Proteksen visa aplikesen we ol i tok nogat long en em bai stap long imaigresen rekod bilong yu long laip. Em i ken mekim hat long yu long na famili bilong yu long kam raun long Australia long bihaintaim. Wanpela Proteksen visa we ol i tok nogat long en i ken mekim impek long visa aplikesen bilong yu long bihaintaim i go long ol narapela kantri autsait long Australia, na dispela em bai dipen long wanem kain visa yu aplai long en.

Ol wok we yu mas mekim taim yu laik kisim proteksen

Em i wok bilong yu long givim ol infomesen long ol kleim bilong proteksen na ol evidens bilong sapotim dispela ol kleim bipo long Departmen of Home Affairs i mekim wanpela disisen.

Yu mas tokaut klia long wanem as yu nidim proteksen insait long Australia na givim Department stretpela infomesen we i gat olgeta stori kwiktaim.

Taim yu givim wanpela aplikesen bilong wanpela Proteksen visa, em i wok bilong yu long sekim olsem olgeta infomesen we yu givim em i tru na i stret, maski sapos sampela narapela lain i pulapim dispela pepa na i makim yu na i givim dispela aplikesen.

Yu mas no ken larim narapela lain i aplai long wanpela Proteksen visa long yu taim yu no klia gut long wanem samting yu long wok aplai long en na wanem infomesen i stap insait long dispela aplikesen.

Em i wok bilong yu long sekim na lukim olsem yu aplai long korek visa na em i wok bilong yu tu long bihainim ol kondisen i stap long visa bilong yu, maski sapos yu yusim wanpela maigresen ejen we i rejista insait long Australia o wanpela loya bilong Australia.

Ol maigresen ejen we i rejista long mekim dispela wok em ol i stap long websait bilong Department of Home Affairs. Bihainim ol dispela [steps to choose a migration agent \(mara.gov.au\)](https://www.mara.gov.au).

Mekim save bilong ol giaman kleim

Ol lain we i aplai long wanpela Proteksen visa i mas mekim wanpela dikleresen.

Pasin bilong givim giaman o kranki infomesen em i wanpela bikpela rong insait long Australia na yu ken kisim mekim save bilong lo.

Wanpela man o meri husat i givim giaman o kranki infomesen insait long wanpela visa aplikesen i ken baim bikpela fain mani, kalabus long tenpela yia o kisim dispela tupela mekim save wantaim.

Sapos ol i painimaut olsem yu bin givim giaman o kranki infomesen bihain long yu bin kisim visa bilong yu, ol i ken kenselim Proteksen visa bilong yu.

Fri ligel edvais em i stap

Bipo long yu aplai long wanpela Proteksen visa, mipela i askim yu long kisim [free legal advice](#) we i kam long wanpela speselis refuji na imaigresen ligel provaida insait long stet o teritori bilong yu.

Ol dispela provaida i ken helpim yu long:

- painimaut sapos yu inap long kisim wanpela Proteksen visa o wanpela narapela visa
- klia gut long proses bilong aplai
- klia gut long wanem samting bai kamap long yu sapos ol i tok nogat long yu long wanpela Proteksen visa
- pulapim gut infomesen na mekim wanpela Proteksen visa aplikesen sapos yu nid long mekim dispela.

Na tu, yu ken kisim fri ligel helpim we i kam long wanpela loya o wanpela komyuniti ligel senta insait long stet o teritori bilong yu.